



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2293/13
Sarajevo, 28.11.2013. godine

01/2-50-1
17

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29-11-2013			
Organizaciona jedinica	Klasifikaciona oznaka	Radni broj	Broj priloga
01-50-1-846/13			

01-50-1-15-50/13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu – dostavlja se

Vijeće ministara Bosne i Hercegovine, na 72. sjednici održanoj 28.11.2013. godine, utvrdilo je Odgovor na zastupničku inicijativu koju je uputio Mate Franjičević, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2293/13
Sarajevo, 28.11.2013. godine

Na 50. sjednici Predstavničkog doma Parlamentarne skupštine Bosne i Hercegovine, održanoj 22.07.2013. godine, poslanik Mato Franjičević je Savjetu ministara Bosne i Hercegovine uputio sljedeću inicijativu:

„Predlažem da Vijeće ministara BiH što žurnije dostavi u parlamentarnu proceduru Zakon o neradnim danima u vrijeme vjerskih blagdana u Bosni i Hercegovini na tragu već definiranih rješenja od strane vjerskih zajednica u BiH, te kao ispunjavanje obaveza preuzetih potpisivanjem odgovarajućih međunarodnih sporazuma.“

Na upućenu inicijativu Savjet ministara Bosne i Hercegovine, na 72. sjednici održanoj 28. 11. 2013. godine, utvrdio je sljedeći:

ODGOVOR

U vrijeme zaprimanja poslaničke inicijative, Ministarstvo civilnih poslova Bosne i Hercegovine je već bilo u postupku hitne pripreme Nacrta zakona o neradnim danima u vrijeme vjerskih praznika u Bosni i Hercegovini, a radi njegovog upućivanja u proceduru prema Savjetu ministara Bosne i Hercegovine.

Dana 27. avgusta 2013. godine, u skladu sa članom 30. Poslovnika o radu, Ministarstvo civilnih poslova Bosne i Hercegovine je dostavilo Savjetu ministara Bosne i Hercegovine Nacrt zakona o neradnim danima u vrijeme vjerskih praznika u Bosni i Hercegovini na razmatranje.

Savjet ministara Bosne i Hercegovine je na 64. sjednici, održanoj 18. septembra 2013. godine, većinom glasova, utvrdilo Prijedlog zakona o neradnim danima u vrijeme vjerskih praznika u Bosni i Hercegovini. U skladu sa zaključkom Savjeta ministara Bosne i Hercegovine, u septembru 2013. godine upućen je Prijedlog zakona o neradnim danima u vrijeme vjerskih praznika u Bosni i Hercegovini Parlamentarnoj skupštini Bosne i Hercegovine uz prijedlog da se razmatra po osnovnom zakonodavnom postupku.

Napominjemo, da je prilikom izrade Nacrta zakona o neradnim danima u vrijeme vjerskih praznika u Bosni i Hercegovini konsultovan Međureligijski savjet u Bosni i Hercegovini, koji je izrazio stav o vjerskim praznicima kao neradnim danima. Stav tog savjeta je bio da se Katolička crkva u Bosni i Hercegovini ne kontaktira, jer je to pitanje riješeno zaključenim Osnovnim ugovorom između Bosne i Hercegovine i Svete Stolica, a ostale vjerske zajednice predložile su neradne dane kako je to navedeno u Nacrtu, odnosno Prijedlogu.